

影刊宋金元明本詞

第五册

酒邊集目錄

江南新詞

滿庭芳

驀山溪

水龍吟

八声甘州

水調歌頭

洞仙歌

滿江紅

虞美人

蝶戀花

鷓鴣天

減字木蘭花

阮郎歸

秦樓月

少年遊

西江月

南鄉子

浣溪沙

生查子

臨江仙 七娘子 減字木蘭花

清平樂 更漏子 點絳脣

採桑子 一落索 如夢令

卜筭子 三字令 長相思

南歌子 減字木蘭花 南歌子

桂殿秋 朝中措 菩薩蠻

好事近 減字木蘭花

江北舊詞

滿庭芳

水調歌頭

梅花引

殢人嬌

玉樓春

鷓鴣天

踏莎行

鵲橋仙

虞美人

更漏子

鵲橋仙

南歌子

鵲橋仙

南歌子

卜筭子

菩薩蠻

南歌子

減字木蘭花

秦樓月

生查子

望江南

浣溪沙

西江月

點絳脣

醜奴兒

如夢令

好事近

採桑子

清平樂

浣溪沙

相見歡

酒邊集目錄終

酒邊集

薌林向子諲伯恭

江南新詞

滿庭芳

巖桂風韻高古平生心醉其間昔轉漕淮南嘗手植堂下

薌林此花為多戲作是詞當邀徐師川諸公同賦

月窟蟠根雲巖分種絕知不是塵凡
瑠璃剪葉金粟綴花繁黃菊周旋避
舍友蘭蕙羞殺山樊清香遠秋風十

里鼻觀已先叅 酒闌聽我語平生
半是江北江南經行處無窮綠水青
山常被此花相惱思共老結屋中間
不因爾薌林底事遊戲到人寰

又

巖桂薌林改張元功所作

瑟瑟金風團團玉露巖花秀發秋光
水邊一笑十里得清香疑是蕊宮仙
子新粧就嬌額塗黃霜天晚妖紅麗

紫迴首揔堪傷 中央孕正色更留
明月偏照何妨便高如蘭菊也讓芬
芳輸與薌林居士微吟罷閑據胡床
須知道天教尤物相伴老江鄉

驀山溪

紹興乙卯大雪行鄱陽道中

瑤田銀海浩色難爲對琪樹照人間
曉然是華嚴境界萬年松徑一帶舊
峯巒深掩覆密遮藏三昧光無礙

金毛獅子打就休驚怪片片上紅爐
且不可將情作解有無不道泯絕去
來今明即暗暗還明只箇長不昧

又

王明之曲薌林易置十數字歌之

掛冠神武來作煙波主千里好江山
都盡是君恩賜與風勾月引催上泛
宅時泛宅即公所賜舟也上批云泛宅可
永充子譚乘坐因各其舟曰泛宅酒
傾玉鱠堆雪搃道神仙侶 蓑衣箬

笠更着些兒兩橫笛兩三聲
晚雲中驚鷗來去欲煩妙手寫入散人圖
蝸角名蠅頭利着甚來由顧

又老妻生日作十一月初七日

一陽纔動萬物生春意試與問宮梅
到東閣花枝第幾踈踈淡淡冷艷雪
中明無俗調有真香正與人相倚
非煙非霧瑞色門闌喜再拜引杯長

看兩頰紅潮欲起天教難老風鬢綠
如雲對玉筍與薌林歲歲花前醉

水龍吟

紹興甲子上元有懷京師

華燈明月光中綺羅絃管春風路龍
如駿馬車如流水軟紅成霧太一池
邊葆真宮裏玉樓珠樹見飛瓊伴侶
霓裳縹緲星回眼蓮承步笑入綵
雲深處更冥冥一簾花雨金鈿落寶

釵斜墜乘鸞歸去醉失桃源夢回蓬
島滿身風露到而今江上愁山萬疊
鬢絲千縷

又

甲子季冬丁亥冒雪與晁叔異劉子
駒兄弟皆北客同上雪臺登連輝觀

梁使君遣酒仍與北黎俱醉薊林堂上
相與聯句云西北通無路東南偶共期
穿林行鳥路踏雪嚙鵝梨吳大年方病
起不能同此樂得大年水龍吟詞過之
夜歸月色如
晝亦賦一首

夢回寒入衾裯曉驚忽墮瑤林裏穿

帷透隙落花飛絮難窮巧思着帽披
裘挈壺呼友倚空臨水望瓊田不盡
銀濤無際浮皓色來天地 遙想吳
郎病起政冷窻微吟擁鼻持牋贈我
新詞絕唱珠零玉碎餘興追遊清芬
坐對高談傾耳晚歸來風掃停雲萬
里月華如洗

八聲甘州

中秋前數夕久雨方晴

恨中秋多雨及晴景追賞且探先縱
玉鈎初上冰輪未正無柰嬋娟飲客
不來自酌對影亦清妍任笑薌林老
雪鬢霜髯好在章江西畔有凌雲
玉筍空翠相連懶崎嶇林麓則窈窕
溪邊自斷此生休問願瓮中長有酒
如泉人間是更誰得似月下尊前

又

丙寅中秋對月

掃長空萬里靜無雲飛鏡上天東欲
騎鯨與問一株丹桂幾度秋風取水
珠宮貝闕聊爲洗塵容莫放素娥去
清影方中 玄魄猶餘半壁便笙篴
萬籟尊俎千峯况十分端正更鼓舞
衰翁恨人生時乎不再未轉頭歡事
已沉空多酌我歲華好處浩意無窮

水調歌頭

大觀庚寅閏八月秋薊林
老顧子美江彦章蒲庭鑒

時在諸公幕府間從遊者洪駒父徐師
川蘇伯固父子李商老兄弟是也登臨
賦詠樂甚俯仰三十九年所存者余與
彦章耳紹興戊辰再閏感時撫事爲之
太息因取舊詩中師
川一二語作是詞

閏餘有何好一年兩中秋補天脩月
人去千古想風流少日南昌幕下更
得洪徐蘇李快意作清遊送日眺西
嶺得月上東樓四十載兩人在揔
白頭誰知滄海成陸萍迹落南州忍

問神京何在幸有薌林秋露芳氣襲
衣裘斷送餘生事惟酒可忘憂

又

屢隱寄示與洛濱老人及筠翁過最樂堂醉中秋月用鄒韻有妙唱復賦

一首庶異時不為堂上生客耳

我生六十四四度閏中秋碧天千里
如水明月更如流照我洛濱詩伯携
手僊鄉屢隱閭苑與同游人醉玉相
倚不肯下瓊樓 薌林老章江上幾

回頭賸欲控鶴瀛海聊下越王州直
入白雲深處細酌仙人九醞香霧儘
侵襲共看一笑粲以寫我心憂

又 再用前韻答任令尹

飄飄任公子爽氣欲橫秋向日携詩
過我知不是凡流築室清江西畔巧
占一川佳處勝士日追遊邀我出門
去柱月上新樓 爛銀盤從樹杪出

雲頭好是風流從事同醉入青州須
信人生如幻七十古來稀有銷得幾
狐裘誰似薊林老無喜亦無憂

洞仙歌

中秋

碧天如水一洗秋容淨何處飛來大
明鏡誰道斫却桂應更光輝無遺照
瀉出山河倒影又云表裏山河見影人猶苦餘
熱肺腑生塵移我超然到三境問姮

娥緣底事乃有盈虧煩玉斧運風重
整教夜夜人世十分圓待拚却長年
醉了還醒

滿江紅

奉酬曾端伯使君
兼簡趙若虛監郡

鴈陣橫空江楓戰幾番風雨天有意
作新秋令欲塵殘暑籬菊巖花俱秀
發清氛不斷來窻戶共驩然一醉得
黃香仍叔度尊前事塵中去拈花

間無人語薌林顧靈照笑撫庭樹試
舉似虎頭城太守想應會得玄玄處
老我來懶更作淵明閑情賦

虞美人

與趙正之苑丘執別俯仰十有
餘年忽謾相逢又爾語別作是

詞以送之時正之被
召

淮陽堂上曾相對笑把姚黃醉十年
離亂有深憂白髮蕭蕭同見渚江秋
履聲細聽知何處欲上星辰去清寒

初溢暮雲收更看碧天如水月如流

又

明年過彭蠡遇大風行巨浪中用前韻寄趙正之及洪州李相公兼

示開元棲隱二老

銀山堆裏廬山對舟子愁如醉笑看
五老了無憂大覺曾中雲夢氣橫秋
若人到得歸元處空一齊銷去直須
聞見泯然收始知大江東注不曾流

又

中秋與二三禪子方誦十玄談趙正之復以長短句見寄乃用其韻語荅

酉

九

之兼示栖
隱寧老

澄江霽月清無對魯酒何須醉人憐
貧病不堪憂誰識此心如月正含秋
再三滂漉方知處試向波心去迢迢
空劫勿能收謾道從來天地與同流

又

梅花盛開走筆戲
呈韓叔夏司諫

江頭苦被梅花惱一夜霜鬢老誰將
冰玉比精神除是凌風却月見天真

情高意遠仍多思，只有人相似滿城。
桃李不能春，獨向雪花深處露花身。

蝶戀花

和曾端伯使君用李久善韻

洲上百花如錦繡，水滿池塘，更作濺
濺溜。斷送風光惟有酒，苦吟不怕因
詩瘦。尋壑經丘長是久，晚晚歸來，
稚子柴門候。萬事付之醒夢後，眉頭
不爲閑愁皺。

又百花洲老桂盛開張師明程德遠
携酒來醉花下有唱酬蝶戀花亦

次其韻

巖桂秋風南埭路墻外行人十里香
隨步此是薌林遊戲處誰知不向根
塵住 今日對花非浪語憶昨明光
早辱君王顧生怕青蠅輕點汚思鱸
何似思花去

鷓鴣天

壽太夫人

戲綵堂深翠幕張南颺特地作微涼
葵花向日枝枝似萱草忘憂日日長
門有慶福無疆老人星與酒生光慙
懃更假天吳手傾瀉西江入壽觴

又

番禺齊安郡王席上贈故人

召埭初逢兩妙年瑤林玉樹倚風前
踈梅影裏春同醉紅芰香中月一船
長悵恨短因緣空餘胡蝶夢相連誰

知瘴兩蠻煙地重上襄王玳瑁筵

又豫章郡王席上

兩箇鴛鴦波上來一縞楊柳掌中迴
已愁共雪因風去更着繁絃急管催
合淺笑勸深杯桃花氣暖眼邊開司
空常見風流慣輸與山翁醉玉摧

又紹興己未歸休後賦

露下風前處處幽官黃如染翠如流

誰將天上蟾宮樹散作人間水國秋
香郁郁思悠悠幾年魂夢繞江頭今
朝得到薌一作家林醉白髮相看萬事
休

又舊史載白樂天歸洛陽得楊常侍舊第有林泉之致占一都之勝薌林居士卜築清江乃揚遵道光祿故居也昔文安先生之所可而竹木池館亦甚似之其子孫與兩蘇山谷從游所謂百花洲者因東坡而得名常為絕以紀其事後戲廣其聲為是詞云

莫問清江與洛陽山林揔是一般香
兩家地占西南勝可是前人倒姓楊
石作枕醉爲鄉藕花菱角滿池塘雖
無中島霓裳奏獨鶴隨人意自長

又

有懷京師上元與韓叔夏司諫
王夏卿侍郎曹仲毅少卿同賦

紫禁煙花一萬重鰲山宮闕倚晴空
玉皇端拱彤雲上人物嬉游陸海中
星轉斗駕迴龍五侯池館醉春風而

今白髮三千丈愁對寒燈數點紅

又戲韓叔夏

只有梅花似玉容雲窻月戶幾尊同
見來怨眼明秋水欲去愁眉淡遠峯
山萬疊水千重一雙胡蝶夢能通都
將淚作梅黃兩盡把情爲柳絮風

又老妻生日

玉篆題名在九天而今且作地行仙

掛冠神武歸休後同醉薊林是幾年
龜游泳鶴蹠蹠踈梅脩竹兩清妍欲
知福壽都多少閤皂清江可比肩

又
詠紅梅

江北江南雪未消此花獨步百花饒
青枝可愛難爲杏綠葉初無不是桃
多態度足風標葉珠仙子醉紅潮絕
憐竹外橫斜處似與薊林慰寂寥

又

紹興壬戌中秋前數夕與楊謹仲魯子明劉曼容及子駒兄弟

待月
新橋

駕月新成碧玉梁
青天萬里瀉銀潢
廣寒宮裏無雙樹
無熱池邊不盡香
承露液釀秋光直
須一舉累千觴
不知世路風波惡
何似薌林氣味長

又

紹興戊辰歲閏中秋

明月光中與客期
一年秋半兩圓時

姮娥得意爲長計織女歡盟可恨遲
瞻玉兔倒瓊彝追懷往事記新詞浩
歌直入滄浪去醉裏歸來凝不知

又

曾端伯使君自處守移
帥荆南作是詞戲之

贛上人人說故侯從來文采更風流
題詩謾道三千首別酒須拚一百籌
乘畫鷁衣輕裘又將春色過荊州合
江遶岸垂楊柳揔學歌眉葉葉愁

減字木蘭花

紹興辛未冬温臘前梅花已謝去明

日立春今夕大雪程德遠弟來自龍舒張師言寄声相問有懷其人

青松翠篠一夜欹傾如醉倒殘臘能

佳落盡梅花見雪花 詩崖酒島何

日登臨同笑傲未老還家飽歷年華

有鬢華

又 紹興壬申春薌林瑞香盛開賦此詞是年三月十有六日

辛亥公下世此公詞之絕筆也

斜紅疊翠何許花神來獻瑞粲粲裳
衣割得天孫錦一機真香妙質不
耐世間風與日着意遮圍莫放春光
造次歸

阮郎歸

紹興乙卯大雪
行鄱陽道中

江南江北雪漫漫遙知易水寒同雲
深處望三關斷腸山又山天可老
海能翻消除此恨難頻聞遣使問平

安幾時

鸞輅還

秦樓月

芳菲歇故園目斷傷心切傷心切無
邊煙水無窮山色 可堪更近 軋
龍節眼中淚盡空啼血空啼血子規
聲外曉風殘月

少年遊

別韓叔夏

去年同醉醑醑花下健筆賦新詞今

年君去醑醑欲破誰與醉爲期 舊
曲重歌傾別酒風露泣花枝章水能
長湘水遠流不盡兩相思

西江月

番禺趙立之郡王席上

風響蕉林似雨燭生粉艷如花客星
乘興泛仙槎誤到支機石下 歡喜
地中取醉溫柔鄉裏爲家暖紅香霧
開春華不道風波可怕

又

吳穆仲與法喜以禪悅為樂寄唱
酬醉蓬萊示薊林居士有見處即

已無心即了之句
戲作是詞答之

見處莫教認着無心慎勿沉空本無
背面與初終說了還同說夢 欲識
薊林居士真成漁父家風收絲垂釣
月明中揔是神通妙用

又

紹興丁巳 徧走浙東諸郡遂作
天台鴈蕩之游 政黃柑江鱸時足慰

平生時拜 御書薊林之賜因成長短
句寄朱子發范元長陳去非翰林三學

西

十一

士以資玉
堂中一笑

得意穿雲度水及時斫玉分金茲游
了却未來心怪我歸遲一任居士
何如學士翰林休笑薌林箇中真味
少知音不是清狂太甚

又政和間余卜築苑丘手植衆薌自
號薌林居士建炎初解六路漕事

中原倣擾故廬不得返卜居清江之
五柳坊紹興癸丑罷帥南海即弃官
不仕乙卯起以九江郡復轉漕江東
入為戶部侍郎辭榮避謗出守姑蘇

到郡少日請又力焉詔可且賜
舟曰泛宅送之以歸已未暮春復

還舊隱時仲舅李公休亦辭
春陵郡守致仕喜賦是詞

五柳坊中煙綠百花洲上雲紅蕭蕭

白髮兩衰翁不與時人同夢拋擲

麟符虎節倘伴江月林風世間萬事

轉頭空箇裏如如不動

又山谷作醅釀詩極工所謂露濕
餅日烘荀令炷爐香

取古人語以況此花稱為着題余
三十年前與晁之道猗端叔諸公

醉皇建院東武襄家醑醑甚盛各
賦長短句獨記余浣溪沙一首云
翠羽衣裳白玉人不將朱粉污天
真清風爲伴月爲鄰○枕上解隨
良夜夢壺中別是一家春同心小
縮更尖新真成夢事比垓此花不
踈而心情老懶無復當
時矣勉強作是詞云

紅退小園桃杏綠生芳草池塘誰教
芍藥殿春光不似醑醑官樣 翠蓋
更蒙珠幃薰爐賸熨沉香娟娟風露
滿衣裳獨步瑤臺月上

又

老妻生日因取薊林中所
產異物作是詞以侑觴

幾見芙蓉並蒂忽生三秀靈芝千年
老樹出孫枝巖桂秋來滿地白鶴
雲間翔舞綠龜葉上遊戲齊眉偕老
更何疑箇裏自非塵世

南鄉子

大雪韓叔夏坐中

梅與雪爭姝試問春風管得無除却
箇人多樣態誰如細把冰姿比玉膚

一曲倒金壺既醉仍煩翠袖扶同向
凌風臺上看何如且與薌林作畫圖

浣溪沙

寶林山間見蘭

綠玉叢中紫玉條幽花踈淡更香饒
不將朱粉污高標空谷佳人宜結
伴貴游公子不能招小窻相對誦離
騷

又

漁父詞張志和之兄松齡所作也
有招玄真子歸隱之意居士爲姑

蘇郡守浩然有歸志因廣其聲爲浣溪沙示姑蘇諸友

樂在煙波釣是閑草堂松桂已勝攀
梢梢新月幾回彎一碧太湖三萬
頃屹然相對洞庭山狂風浪起且須
還

又戲呈牧庵舅

進步須於百尺竿二邊休立莫中安
要知玄露沒多般花影鏡中拈不

起蟾光空裏撮應難道人無事更參看

又荆公除日詩云爆竹声中一歲除東風送暖入屠蘇千門萬戶曈曈

日爭插新桃換舊符東坡詩云老去怕看新曆日退歸擬學舊挑符古

今絕唱也呂居仁詩有畫角聲中一歲除平明更飲屠蘇酒之句政用

以為故事耳鄉林退居之十年戲集兩公詩輒以鄙意足成浣溪沙因書

以遺靈照

爆竹聲中一歲除東風送暖入屠蘇

曛曛曉色上林廬 老去怕看新曆
日退歸擬學舊桃符 青春不染白鬚
鬚

又 巖桂花開不數日謝去每恨不能挽留近得海上方可作爐薰

頗耐

醉裏驚從月窟來 睡餘如夢藥宮迴
碧雲時度小崔嵬 疑是海山憐我
老 不論時節遣花開 從今休數返魂

單

正

梅

又

曾端伯和

別樣清芬撲鼻來秋香過後却追迴

一作聽罷霓裳夢竟
來天香留得袖中迴

博山輕霧鎖崔嵬

珍重薝林三昧手不教一日不花開

暗中錯認是江梅

又老妻生日

星斗昭回自一天踈梅池畔闢清妍

蟠桃正熟藕如船
葉上靈龜來瑞
世林間白鶴舞胎仙
春秋不記幾千
年

又

堂前巖桂犯雪開數枝色如杏
黃適當老妻生朝作此以侑觴

瑞氣氤氳拂水來
金幢玉節下瑤臺
江梅巖桂一時開
不盡秋香凝燕
寢無邊春色入尊壘
臨風嗅藥共裴
回

又

和曾吉甫韵呈宋景晉待
制宋有二小姬小桃小蘭

綠遶紅圍宋玉墻幽蘭林下正芬芳
桃花氣暖玉生香誰道廣平心似
鐵艷粧高韻兩難忘蘇州老矣不能
狂

又

再用前韻寄曾吉甫運使

靄靄停雲覆短墻
天臨水自然芳
猗猗無處着清香
珍重驀山溪句

好尊前頻舉不相忘
濠梁夢蝶儘春狂

又簡王景源元渤伯仲

南國風煙深更深
清江相接是廬陵
甘棠兩地綠成陰
九日黃花兄弟會
中秋明月故人心
悲歡離合古猶今

又紹興辛未中秋王景源使君
乘流下蕭灘捨舟從陸薌林

老人以長短句贈行

樽俎風流意氣傾一杯相屬忍催行
離歌更作斷腸聲 袞袞大江前後
浪娟娟明月短長亭水程山驛揔關
情

生查子

紹興戊午姑蘇郡齋懷歸賦

我愛木中犀

舊云天上得靈根

不是凡花數清

似水沉香色染薔薇露

鄉林月冷

時玉筍雲深處歸夢託秋風夜夜江
頭路

又

與客醉巖桂下落
蕊忽墮酒杯中

月姊倚秋風香度青林杪吹墮酒杯
中笑靨撩人小 薌林萬事休獨此
情未了醉裏又題詩不覺花前老

臨江仙

紹興庚申老妻生日幼女靈照
生於是歲女子亦有弄璋之喜

新月低垂簾額小梅半出檐牙高堂

開燕靜無譁麟孫鳳女學語正伊啞
寶鼎賸熏沈水瓊彝爛醉流霞薌
林同老此生涯一川風露總道是仙
家

七娘子

山圍水繞高唐路恨密雲不下陽臺
雨霧閣雲窗風亭月戶分明携手同
行處而今不見生塵步但長江無

語東流去滿地落花漫天飛絮誰知
揔是離愁做

減字木蘭花

維摩住處竟日繽紛花似雨更有難
忘十里清芬撲鼻香 當年踈傳借
問賜金那用許何似歸艎寶墨光芒
萬丈長

又

年年巖桂恰恰中秋供我醉今日重
陽百樹猶無一樹香 且傾白酒賴
有茱萸枝在手可是清甘遶遍東籬
摘未堪

清平樂

薊林之居巖桂為最比
得公是先生清平樂詞

云小山叢桂最有畱人意拂葉
攀花無限思露濕濃香滿袂

別來過了秋光翠簾昨夜新霜
多少月宮閑地姮娥與措餘芳

因賦
一首

幽花無外心與薌林會綠髮相看今
老矣不作淺俗氣味 露葉凝凝生
光風梢泛泛飄香稱意中秋開了餘
情猶及重陽

又

韓叔夏

秋光如水釀作鵝黃蟻散入千巖佳
樹裏惟許脩門人醉 輕鈿重上風
鬢不禁月冷霜寒步障深沉歸去依

然愁滿空山

又 岩桂盛開戲呈韓叔夏司諫

吳頭楚尾踏破芒屨底萬壑千巖秋色裏不耐惱人風味而今老我鄉林世間百不關心獨喜愛香韓壽能來同醉花陰

又 奉酬韓叔夏

薄情風雨斷送花何許一夜清香無

覓處却返雲窻月戶 醉鄉麴米爲
春荊州富貴中人肯入薌林淨社王
山屢倒芳茵

又 贈韓叔夏

銀鈎蠶尾一似鍾繇字吏部文章麟
角起自是驚人瑞世 西垣準擬揮
毫不須苦續離騷政看翻堦紅藥無
忘叢桂香醪

又 荅趙彥正使君

人間塵外一種寒香藥疑是月娥天
上醉戲把黃雲按碎 使君坐歎清
江騰芳飛譽無雙與寄小山叢桂詩
成斐几明窻

又 鄭長卿資政惠以龍焙絕品余
方釀薝林春色恨不得持去戲
贈有此

薝林春色杯面雲腴白醉裏不知天

地窄真是人間歡伯 風流玉友爭
妍酪奴可與忘年空誦少陵佳句飲
中誰與俱仙

更漏子

雪中韓叔夏席上

小窻前踈影下鸞鏡弄粧初罷梅似
雪雪如人都無一點塵 暮江寒人
響絕更着朦朧微月山似玉玉如君
相看一笑溫

點絳唇

蘇林老人紹興甲寅中秋與二三禪子對月宝林山

中戲作長短句俗呼點絳唇

綠水青山一輪明月林梢過有誰同
坐妙德毗盧我石女高歌古調無
人和還知麼更沒別箇且莫分踈破

又 代淨衆老

此夜中秋不向光影門前過披衣得
坐無佛衆生我沒鼓打皮借問今

幾和還知麼就中兩箇鼻孔誰穿破

又代香巖榮老

不昧本來太虛明月流輝過令行獨
坐高下都由我玉軫無絃誰對秋
風和還知麼老龐一箇識得機關破

又代棲隱曇老

折脚鐺中二時粥飯隨緣過東行西
坐不識而今我壞盡田園終日且

婆和還知麼。錐也無箇肘。露衣衫破。

又復自和

不挂一裘。世間萬事如風過。忘緣兀坐皮袋。非真我。隨色麼。尼朱碧。如何和還。知麼。從來只箇千古。撲不破。

又別代淨衆

荆棘林中浪誇好手。曾穿過不起于坐。畱塞虛空我。問路臺山婆子。隨

聲和還知麼石橋老箇些子平窺破

又別代香巖

春浪桃花禹門三尺平跳過死生不
坐變化須歸我山起南雲北雨聲
相和還知麼點點真箇塊土何曾破

又別代栖隱

脫落皮膚故人南岳峯前過只知閑
坐千聖難窺我明月澄潭誰唱復

誰和還知麼錦鱗沒箇莫觸清光破

又別自和

綠水池塘笑看野鴨雙飛過正當呆
坐紉鼻須還我 盡日張弓許久無
人和還知麼難得全箇不免須明破

又

世傳水月觀音詞徐師川
惡其鄙俗戲作一首似之

冰雪肌膚靚粧喜作梅花面寄情高
遠不與凡塵染 玉立峯前閑把經

珠轉秋風便霧收雲卷水月光中見

又

重九戲用東坡先生韻

無熱池南歲寒亭上開新宴青山芳
甸盡入真如觀 舉酒高歌人在秋
天半晴空遠寒江影亂何處飛來鴈

又

病卧秋風懶尋杯酒追歡宴夢游都
甸不改當年觀 故舊彫零天下今

無半煙塵遠淚珠零亂怕問隨陽鴈

又

今日重陽強按青檠聊開宴我家畿
甸試上連輝觀憶着酃池古塔煙
霄半愁心遠情隨雲亂腸斷江城鴈

又

重陽後數日菊墩姑有花
與諸友再登賦第四首

莫問重陽黃花滿地須遊宴休論夷
甸且作江山觀百歲光陰屈指今

過半霜天晚眼昏花亂不見書空鴈

又

王景源使君寵示巖桂長短句擬和一首

春蕙秋蘭斷崖空谷終難近何如逸
韻十里香成陣 傾蓋論交白首情
無盡因君問新聲玉振更覺花清潤

又

再賦示王景源使君

璧月光輝萬山不隔蟾宮樹金風玉
露水國秋無數 老子情鍾欲向香

中住君王許龍鸞飛舞送到歸休處

又

再次王景源使君
韻賦弟三首

明月山頭古香吹墮青林底世情無
味伴我千巖裏 詩老風流也向花
留意歌新擬調高難比半坐分君醉

採桑子

蕪林為牧菴舅作

霜鬢七十期同老雲水之鄉揔掛冠
裳閑裏光陰一倍長 况逢菊壓籬

邊笑風露中香報荅秋光自有仙人
九醞觴

一落索

春風吹斷前山雨行雲歸去暫來須
信本無心回首了無尋處 欲問箇
中玄路阿誰能語澄江霽月却深知
把此意都分付

如夢令

余以岩桂為炉薰雜以
龍麝或謂未盡其妙有

一道人授取桂華真水之法乃
神仙術也其香着人不滅名曰
薝林秋露李長吉詩亦云山頭
老桂吹古香戲作二闕以貽好
事者

欲問薝林秋露來自廣寒深處海上
說薝薇何似桂華風度高古高古不
着世間塵汚

又

誰識薝林秋露勝却諸天花雨休更

覓曹溪自有箇中玄路參取參取滴
滴要知落處

卜筮子

臨鏡笑春風生怕梅花妬舊云不着
鉛華汚

疑是西湖處士家踈影橫斜處江

靜竹娟娟綠遶青無數獨許幽人子
細看全勝墻東路

又中秋欲雨還晴惠力寺江月亭用
東坡先生韻示諸禪老寄徐師川

雨意挾風回月色兼天靜心與秋空
一樣清萬象森如影何處一聲鍾
令我發深省獨立滄浪忘却歸不覺
霜華冷

又

重陽後數日避亂行雙源山
間見菊復用前韵時以九江

郡懇辭
未報

時菊碎榛叢地僻柴門靜誰道村中

好客稀明月和清影 天地一蘧廬
夢事慵思省若箇知余懶是真心已
如灰冷

又督戰淝水再用前韵賦
弟三首示青草堂

膠膠擾擾中本體元來靜一段澄明
絕點埃世事如泡影 歇即是菩提
此語須三省古道無人着脚行禾黍
秋風冷

又復自和賦弟四首

千古一靈根本妙元明靜道箇如如
已是羌莫認風番影 枯木夜堂深
默坐時觀省月落烏雞出戶飛萬里
關河冷

三字令

春盡日雨餘時紅蕪蕪綠漪漪花蒲
地水平池煙光裏雲影上畫舫移

紋鴛並白鷗飛歌韻響酒行遲將我
意入新詩春欲去留且住莫教歸

長相思

紹興戊辰閏中秋

年重月月重光萬瓦千林白似霜扁
舟入醉鄉 山蒼蒼水茫茫嚴瀨當
時不是狂高風引興長

南歌子

柳眼風前動梅心雪後寒年光渾似

霧中看報答風光無處可爲歡
一曲聊收淚三杯強自寬
新愁不耐上眉端
怕見長安歸路懶
凭欄

減字木蘭花

無窮白水無限芰荷紅
翠裏幾點青山半在雲煙
晻靄間
移舟橫截卧看碧天流
素月此意虛徐好把鄉林
入畫圖

南歌子

江左稱巖桂吳中說木犀水沉爲骨
鬱金衣却恨踈梅惱我得香遲葉
借山光潤花蒙水色竒年年勾引賦
新詩應笑薌林冷淡獨心知

又紹興辛酉病起

病着連三月誰能慰老夫蕭蕭短髮
不勝梳風裏支離欲倒要人扶秋

月明如水巖花忽起予旋芻白酒入
盤盃報答風光不醉更何如

又

韓公圭近有提舉廣東市舶
之命假道清江執別年餘忽

尔相逢喜甚
因賦是詞云

我入三摩地人疑小有天 君王送
老白雲邊不用丹青圖畫上凌煙
喜攬澄清纜能同載酒舡相逢忽謾
別經年好是兩身強健在尊前

桂殿秋

秋色裏月明中紅旌翠節下蓬宮蟠
桃已結瑤池露桂子初開玉殿風

朝中措

王景源使君生
日坐上偶作

滿城臘雪淨無埃觸處是花開天上
瓊林珠樹誰知夜半移來黃堂薦
壽請君着意和氣潛回化作一江春
酒都將注入尊壘

菩薩蠻

天仙醉把真珠擲
荷翻寫入玻璃碧
雨過酒尊涼
紅蕖冉冉香
飛來雙白鷺
屢作傲傲舞
山鳥起清歌
晚來情更多

好事近

紹興辛未病起見梅

多病卧江干
過盡春花秋葉
又見橫斜
影弄堦前明月
呼兒取酒據

胡床尚喜知時節宜與老夫情厚有

鬢邊殘雪

又云折得一枝清瘦入鬢邊殘雪

又用前韻答鄧端友使君

風勁入平林掃盡一林黃葉惟有長

松千丈挂娟娟霜月使君和氣動

江城疑是芳菲節忽到小園遊戲見

南枝如雪

減字木蘭花

登望韶亭

兩峰對起象闕端門雲霧裏千嶂排
空虎節龍旂指顧中 簫韶妙曲我
試與聽音韻足借問誰傳松上清風
石上泉

又

翠鬢雙小綠綺朱絃心未了畫戟森
間玉子紋楸手共談 不妨扶老未
說他年無限笑且要忘憂莫問今朝

勝幾籌

又梅花盛開走筆戲呈韓叔夏

臘前雪裏幾處梅梢初破
蘂年後江邊是處花開
晚更妍絕知春意不耐
愁何心與醉更有難忘
宋玉墻頭婉婉香

又韓叔夏席上戲作

誰知瑩澈惟有碧天雲外月一見風

流洗盡曾中萬斛愁
曠燒密炬只恐夜深花睡去
想得橫陳全是巫山一段雲

又

千山萬水望極不知何處是小院迴廊
夢去相尋未覺長
絕憐清瘦雪裏梅梢春未透
常記分携雨後梨花曉尚啼

又

去年端午共結綵絲長
命縷今日重陽同泛黃
花九醞觴 經時離缺不
爲萊菔髭似雪一笑逢
迎休覓空青眼自明

--	--	--	--	--	--	--	--	--

11

11

原书缺页

原书缺页

江北舊詞

蒲庭芳

政和癸巳滁陽作
其年京師大雪

天宇長閑飛仙狂醉按雲碎玉沉空
謝家庭院爭道絮因風不怕寒生寶
粟深調護犀幕重重瑤林裏踈梅獻
笑小萼露輕紅 瑞龍香遶處雲間
絃管塵外簾櫳須爛醉流霞莫訴千
鍾聞道蟠桃正好逢瀛路消息潛通

飛瓊伴偷將春色分付入芳容

水調歌頭

趙伯山席上見梅

天公深藏巧雪裏放春回不到閑花
凡草都付與踈梅獨立水邊林下蕭
蕭冰容孤艷清瘦玉腰支觸撥暗香
動風味欲愁誰 姮娥携青女過夜
闌時瑤冠瓊珮粲然一笑亦何竒
欲舉觴對飲不怕月明霜重寒色着

人衣只恐鄰笛起化作玉塵飛

梅花引

戲代李師明作

花如頰梅如葉小時笑弄堦前月最
盈盈最惺惺閑愁未識無計定深情
十年空省春風面花落花開不相見
要相逢得相逢須信靈犀中自有心通同
杯勺同斟酌千愁一醉都推却花陰
邊柳陰邊幾回擬待偷憐不成憐傷

春玉瘦慵梳掠拋擲琵琶閑處着莫
猜疑莫嫌遲鴛鴦翡翠終是一雙飛

帶人嬌

錢御席上贈侍人輕輕

白似雪花柔於柳絮胡蝶兒鎮長一
處春風駘蕩驀然吹去得遊絲半空
惹住 波上精神掌中態度分明是
絲雲團做當年飛鷺從今不數只恐
是高唐夢中神女

玉樓春

苑丘行
之園見梅對雪

記得江城春意動
兩行踈梅龍腦凍
佳人不用辟寒犀
踏雪穿花雲鬢重
真珠旋滴留人共
更爇沉香燠金鳳
只今梅雪可憐時
都似綠窻前日夢

又

與何文鎮倪巨濟王元衷蘇叔
黨宴張子實家侍人賀全真妙

絕
時一

雲窻霧閣春風透
蝶遶蜂圍花氣漏

詞

四十五

惱人風味恰如梅倚醉腰肢全是柳
細傳一曲情偏厚淡掃兩山綠底皺
歸時好月已沉空只有真香猶滿袖

鷓鴣天

與徐師川同過葉夢授家

小院深明別有天花能笑語柳能眠
雪肌得酒於中暖蓮步凌波分外妍
釵燕重髻荷偏兩山斜疊翠連娟朝
雲無限矜春態暮雨情知更可憐

又 宣和己亥代人贈別

斗帳歡盟不計年誰知驀地遠如天
何曾一霎離心上怎得而今在眼前
魚不斷鴈相連可無小字寄芳牋薄
情已是拋人去更與新愁到酒邊

又 同前

說着分飛百種猜泥人細數幾時回
風流可慣曾孤冷懷抱如何得好開

垂玉筋下香堦凭肩小語更堯鞋再
三真遣歸期誤第一頻教入夢來

又

淺淺粧成淡淡梅見梅憶着傍粧臺
書無鴻鴈如何寄腸斷催歸作麼回
千種恨百般猜爲伊懷抱幾時開可
堪江上風頭惡不放朝雲入夢來

又

幾處鞦韆懶未收花梢柳外出纖柔
霞衣輕舉疑奔月寶髻欹傾若墜樓
爭縹緲闔風流蜂兒蛺蝶共嬉遊朝
朝暮暮春風裏落盡梨花未肯休

踏莎行

政和丙申九江道中

靄靄朝雲矜春態度楚宮夢斷尋無
路欲將尊酒遣新愁誰知引到愁深
處不盡長江無邊細雨只疑都把

愁來做西山揔不解遮欄隨春直過
東湖去

鵲橋儂

合卺風流擘釵情態壓倒癡牛駭女
今年雲外果深期想却笑人間離
苦 縈愁壘恨青山綠水杳杳重重
無數尋常猶有夢能來到此夜無尋
夢處

虞美人

政和丁酉下琵琶溝作

濛濛煙樹無重數不礙相思路晚雲
分外欲增愁更那堪踈雨送歸舟
雨來還被風吹去隕淚多如雨擬題
雙葉問離憂怎得水隨人意肯西流

又

去年不到瓊花底蝶夢空相倚今年
特地趁花來却甚不教同醉過花開

花知此恨年年有也伴人春瘦一枝
和淚寄春風應把舊愁新怨入眉峯

又
宣和辛丑

去年雪滿長安樹望斷揚州路今年
看雪在揚州人在蓬萊深處若爲愁
而今不恨伊相誤自恨來何暮平山
堂下舊嬉遊只有舞春楊柳似風流

又

綺窻人似鶯藏柳巧語春心透聲聲
清切入人深一夜不知兩鬢雪霜侵
何時月下歌金縷醉看行雲住懶將
幽恨寄瑤琴却倩金籠鸚鵡遞芳音

更漏子

題趙伯山青白軒時
王豐父劉長因同賦

竹孤青梅醞白更着使君清絕梅似
竹竹如君須知德有鄰 月同高風
同調月底風前一笑翻碎影度微香

與人風味長

又

鵲橋邊牛渚上翠節紅旌相向承玉
露御金風年年歲歲同 懶飛梭停
弄杼遙想綵雲深處人咫尺事關山
無聊獨倚欄

鵲橋仙 七夕

澄江如練遠山橫翠一段風煙如畫

層樓傑閣倚晴空疑便是支磯石下
寶奩瓊鑑淡勻輕掃纖手弄粧初罷
擬將心事問天公與牛女平分今夜

南歌子

代張仲宗賦

碧落飛明鏡晴煙冪遠山扁舟夜下
廣陵灘照我白蘋紅蓼一盃殘 初
望同盤飲如何兩處看遙知香霧濕
雲鬢凭暖瓊樓十二玉欄干

鵲橋仙

飛雲多態涼颺微度都到酒邊歌處
冰肌玉骨照人寒更做弄一簾風雨
同槃風味合歡情思不管星娥猜妬
桃花溪水接銀河與占斷鵲橋歸路

南歌子

郭小娘道裝

縹緲雲間質輕盈波上身瑤林玉樹
出風塵不是野花凡草等閑春翠

羽雙垂珥烏紗巧製巾經珠不動兩
眉顰須信鈿華銷盡見天真

又

梁苑千花亂隋堤一水長眼前風物
揔悲涼何況眉頭心上不相忘因
夢聊携手憑書續斷腸已驚蝴蝶過
東墻更被風吹鴻鴈不成行

卜筭子

東坡先生嘗作卜筭子山谷老人見之云類不

食煙火人語蘇林往歲見梅追
和一首終恨有兒女子態耳

竹裏一枝梅雨洗娟娟靜疑是佳人
日暮來綽約風前影 新恨有誰知
往事何堪省夢遶陽臺寂寞迴沾袖
餘香冷

菩薩蠻

鴛鴦翡翠同心侶驚風不得雙飛去
春水綠西池重期相見時 長憐心

共語夢裏池邊路相見不如新花應
解笑人

又 政和丙申

娟娟明月如霜白鼇山可是蓬山隔
恨不及春風行雲處處同 暖香紅
霧裏一笑誰新喜知得遠愁無春衫
有淚珠

又

襪兒窄剪鞋兒小紋鴛並影雙雙好
微步巧藏人輕飛洛浦塵 前回深
處見欲近還相遠心事不能知教人
直是疑

南歌子

雨過林巒靜風迴池閣涼窺人雙燕
語雕梁笑看小荷翻處戲鴛鴦 共
飲菖蒲細同分綵線長今朝真不負

風光絕勝幾年飛夢繞高唐

減字木蘭花

政和癸巳

幾年不見胡蝶枕中寃夢遠一日相逢鸚鵡盃深笑靨濃歡心未已流水落花愁又起離恨如何細雨斜風晚更多

秦樓月

蟲聲切柔腸欲斷傷離別傷離別幾

行清淚界殘紅頰 一玉塔白露侵羅
襪下簾却望玲瓏月玲瓏月寒光凌
亂照人愁絕

生查子

與王豐父鄭曼卿
兄弟嵩山道中

月在兩山間人在空明裏山色碧於
天月色光於水 心閑物物幽心動
塵塵起莫向動中來長願閑如此

又

春心如杜鵑日夜思歸切啼盡一川
花愁落千山月 遙憐白玉人翠被
餘香歇可慣獨眠寒減動豐肌雪

又

近似月當懷遠似花藏霧好是月明
時同醉花深處 看花不自持對月
空相顧願學月頻圓莫作花飛去

又

西

五十四

春山和恨長秋水無言度脉脉復盈
盈幾點梨花雨深深一段愁寂寂
無行路推去又還來沒箇遮攔處

又

贈陳宋鄰

娟娟月入眉整整雲歸鬢鏡裏弄粧
遲簾外花移影斜窺秋水長軟語
春鷺近無計柰情何只有相思分

又

相思懶下牀春夢迷胡蝶入柳又穿
花去去輕如葉 可堪岐路長不道
關山隔無賴是黃鸝喚起空愁絕

望江南

八月十四日望爲
壽近有弄璋之慶

微雨過庭院淨無塵天上秋期明日
是人間月影十分清真不負佳辰
稱壽處香霧遶花身玉兔已成千歲
藥桂華更與一枝新喜氣滿重闈

浣溪沙

冰雪肌膚不受塵
臉桃眉柳暖生春
手撚梅子笑迎人
欲語又休無限
思暫來還去不勝顰
夢隨胡蝶過東鄰

西江月

微步凌波塵起
弄粧滿鏡花開
春心擲處
眼頻來秀色
着人無耐
舊事

如風無迹新愁似水難裁相思日夜
夢陽臺減盡沈郎衣帶

點絳脣

南昌送范帥

丹鳳飛來細傳日下絲綸語使君歸
去已近沙堤路 風葉露花秋意濃
如許江天暮離歌輕舉愁滿西山雨

醜奴兒

宣和辛丑

無雙亭下瓊花樹玉骨雲腴傾國稱

姝除却楊州是處無 天教紅藥來
叅乘桃李先驅 揔作花奴翠擁紅遮
到玉都

如夢令

午夜涼生翠幔簾外行雲撩亂可恨
白蘋風欲雨又還吹散腸斷腸斷楚
夢驚殘一半

好事近

中秋前一日爲壽

小雨度微雲快染一天新碧恰到中
秋佳處是芳年華日 冰輪莫做九
分看天意在今夕先占廣寒風露怕
姮娥偏得

又 懷安郡王席上

初上舞裯時爭看鞬羅弓窄恰似晚
霞零亂襯一鉤新月 折旋多態小
腰身分明是回雪生怕因風飛去放

真珠簾隔

採桑子

人如濯濯春楊柳
徹骨風流脫體溫
柔牽繫多情儘未休
最憐恰恰新
眠起雲雨初收
斜倚瓊樓葉葉眉心
一樣愁

清平樂

滁陽寄邵子非諸友

雲無天淨明月端如鏡
烏鵲遶枝棲

未穩零露垂垂珠墮 扁舟共絕潮
河秋風別去如梭今夜淒然對影與
誰斟酌姮娥

浣溪沙

花想儀容柳想腰融融曳曳一團嬌
綺羅叢裏最妖嬈 歌罷碧天零影
亂舞時紅袖雪花飄幾回相見爲寬
銷

又

趙德憐以扇頭來乞詞戲有此贈趙能著碁寫字分茶彈琴

艷趙傾燕花裏仙烏絲襪寫永和年
有時閑弄醒心絃茗盃分雲微醉
後紋楸斜倚髻鬟偏風流模樣揔堪
憐

又

王稱心效顰亦有是請再用前韻贈之

曾是襄王夢裏仙嬌癡恰恰破瓜年
芳心已解品朱絃淺淺笑時雙靨

媚盈盈立處綠雲偏稱人心是儘人
憐

又

一夜涼颼動碧幙曉庭飛雨濺真珠
玉人睡起倚金鋪雲髻作堆初未
整柳腰如醉不勝扶天仙風調世間
無

又
政和壬辰正月豫章龜潭作
時徐師川洪駒父汪彦章携

西

五十二

酒來
作別

璧月光中玉漏清
 小梅踈影水邊明
 似梅人醉月西傾
 梅欲黃時朝暮
 雨月重圓處
 短長亭舊愁新恨若為
 情

又連年二月二日出都門

人意天公則甚知
 故教小雨作深悲
 桃花渾似淚烟脂
 理棹又從今日

去斷腸還似去年時
經行處處是相思

又

政和癸巳儀真東園作

花樣風流柳樣嬌
雪中微步過溪橋
心期春色到梅梢
折得一枝歸綠
鬢冰容玉艷不相饒
索人同去醉金
蕉

又

西

六下

守得梅開着意看春風幾醉玉欄干
去時猶自惜餘歡 雨後重來花掃
地葉間青子已團團憑誰寄與蹙眉
山

又

醪醑和狄相叔韻贈陳宋鄰

翡翠衣裳白玉人不將朱粉污天真
清風爲伴月爲鄰 枕上解隨良夜
夢壺中別是一家春同心小綰更尖

新

又

兩點春山入翠眉
一綯楊柳作腰肢
語音嬌軟帶兒癡
猶省當來求識
面隔簾清唱倒瓊彝
真成相見說當時

又

姑射肌膚雪一團
摻摻玉手弄冰紈

百

五十一

着人情思幾多般
水上月如天樣
遠眼前花似鏡中看見時容易近時
難

又

雲外遙山是翠眉
風前楊柳入腰肢
凌波微步襪塵飛
倚醉傳歌留客
處佯嗔不語
帶人時風流態度百般
宜

又許南叔席上

百斛明珠得翠蛾
風流徹骨更能歌
碧雲留住勸金荷
取醉歸來因一
笑惱人深處是橫波
酒醒情味却知
麼

相見歡

亭亭秋水芙蓉翠
圍中又是一年風
露笑相逢
天機畔雲錦亂思無窮

路隔銀河猶解嫁西風

又

桃源深閉春風信難通流水落花餘
恨幾時窮水無定花有盡會相逢
可是人生長在別離中

又

腰肢一縷纖長是垂楊泥泥風中衣
袖冷沉香花如頰眉如葉語如簧

微笑微顰相惱過迴廊

酒邊集終